

筆記小說大觀

集

清牛應之編
雨窗消意錄上

進步書局校印

平北山紀

卷之六

七

清
牛應之編

兩
窗
消
意
錄

上海進步書局印行

兩窗消意錄

是書為清牛應之所輯凡四卷搜羅
雜錄傳記洪纖畢舉頗見博洽而於
方言諺語謔談軼事尤樂津津道之
此書名消意所由來也

序

方春多雨庭院陰沍流鶯不來落花滿地獨居伊鬱百憂撼心令兒輩誦小說詭異
事卧而聽之樂且忘疲爰錄其尤鐫貽朋輩共怡悅焉至於事多荒忽小說類然必
欲鉤考是非繩批得失繭蠶自縛非僕之素心矣牛應之自記

卷之六

六

雨窗消意錄卷一

清 牛應之編

明羅念庵及第後即乞假歸隱有解組詩十餘首詞多淺俗然心氣安恬終勝以詩干進者今錄其四。一曰獨對青山一舉觴醒時歌舞醉時狂黃金不是千年業紅日能消兩鬢霜身後碑銘空自好眼前傀儡為誰忙得些生意隨時過光景無多易散場。二曰為人不必苦張羅聽得仙家說也麼知事少時煩惱少識人多處是非多錦衣玉食風前燭象簡金魚水上波富貴欲求求不得縱然求得待如何。三曰新命傳宣墨未乾櫛風沐雨上長安低頭懶進三公府跣足羞登萬善壇聞戒固多持戒少承恩容易報恩難何如急早回頭看松柏青青耐歲寒。四曰得失榮枯總有天機關用盡也徒然人心不足蛇吞象世事到頭螻捕蟬無藥可醫卿相病有錢難買子孫賢得過一日過一日一日清閒一日仙。

嘗見坊間小說載四時詞四首詞不甚工而意興閒曠可釋塵縛其一曰小門深巷巧安排沒有塵埃卻有莓苔自然瀟灑勝蓬萊山也幽哉水也幽哉東風昨夜送春來纔見梅開又見桃開十分相稱主人懷詩是生涯酒是生涯其二曰一生風月且

隨緣窮也悠然達也悠然日高三丈我猶眠不是神仙誰是神仙綠楊深處晝鳴蟬捲起湘簾放出爐煙荷花池館晚涼天正好談禪又好談元其三曰扶輿清氣屬吾曹莫怪粗豪莫笑風騷算來名利也徒勞何處為高閒處為高一庭疎竹間芭蕉風也瀟瀟雨也瀟瀟木樨香裏卧吹簫且度今朝誰管明朝其四曰於今揮手謝浮生非不閒爭是不閒爭扁舟湖上放歌行漁也知名牧也知名歸來風景逼心清雪滿中庭月滿中庭一爐松火煖騰騰看罷醫經又看丹經

鉛山蔣編修士銓工詩詞與袁枚趙翼齊名高宗純皇帝嘗稱為江西才子以不附和坤屢為所抑乃乞假歸教授終身晚著傳奇九種古直悲涼遠勝玉茗臨川夢中說夢一篇尤為警切今節錄之

北仙

(點絳脣)

海市樓臺楸枰疆界都無礙各種安排夢覺今誰在不見一物不生

一想無我無人。不消不長。俺覺華宮自在天王是也。善觀二十種睡眠。掌管大千

場色相。今欲將四夢中人棒喝一番。想已宣到。啟天王。奉宣四人。齊集殿下。引他

上來。盧生。淳于棼。霍小玉。俞二姑。參禮天王。伏祈慈訓。爾等趺坐兩旁。聽吾指示。

告坐了。爾等以生為夢。豈知死亦非覺。以鬼為覺。豈知仙亦是夢。俺把個中消息。

說與你們聽者。阿彌陀佛。**混江龍**把不定陰陽機械。將一個虛空架子。立將來。神與氣生。結下幾家宗派。精和血巧製就各樣形骸。無生有。有生無。便叫那鄉衍談天難考究。治復亂。亂復治。假饒他屈原呵壁也。費疑猜。有男女。乃有夫婦。有境界。乃有苦樂。生產下一窩兒。啞債主有威權。暗使的親嬖嬖。忍着疼輪班服役。供養着幾張嘴。肉衙門無盡藏。明捉住老爺爺。掙着命逐日當差。苦煞了。懦兒郎。聽憑恁掂斤播兩。愁煞了。窮夫婿。忍耐他數米量柴。這一個積趲家私。醉死夢生。錢眼坐那一個填還孽帳。穿衣喫飯。肉身挨捧。定這臭皮囊。較勝爭強。成佛生天。都要死戴了那粉骷髏。追歡取樂。嫁雞隨犬。各當災。羞答答。喪門神。一把兒冰肌玉骨。笑嘻嘻。勾死鬼。兩行兒紅粉金釵。百年間名韁利鎖。苦牽連一家兒男婚女嫁難交代。蓋棺時。博得個夫妻恩愛一聲天。散影時。償不了兒孫衣食三生債。墳頭上幾點泪。當不得返魂香。醉鄉中。一杯茶。冲破了塵糟塊。敢問功名富貴。以何為覺。甚來由。兩朵宮花。十年間膏偏了。那些兒酸甜苦辣。沒出息一枝班管。半生來弄不清這幾個。者也乎哉。不過是小聰明。刻鵠雕蟲。被幾個活窮鬼。弄得你喪氣垂頭。休怨命。果然有大本領。安邦定國。這一位醜魁星。雖然是張牙舞爪。也肯憐才。

主考試少什麼蘇玉局。領着那名士衡文。且無三隻眼。坐衙門。縱有那包鐵面。難保他窮人告狀。不破一分財。沒相干。壞墨卷。考得上。便算他文星透露。有憑據。定例本捐得出。也就是官鬼誣誣。光閃閃。雪砌冰山。炙手後。終會逐天消。硬幫幫。紙糊紗帽。下場時。未可連頭賣。假慈悲。越勾踐。漢劉邦。用人時。粧出此。豁達真誠。善逢迎。韓退之。杜子美。應制日。藏過了。悲歌慷慨。武將勳勞。文官著作。可是實在的。拚性命。幹功名。活累煞。故將軍。北討南征。枉射斷兩壺弓箭。嘔心肝。做文字。可憐見。腐太史。東奔西跑。也踏破了。幾對靴鞋。這都靠着運氣呢。江心裏。挂了帆。廟門前。斷了碑。沒情面的。風雷多勢利。銅爐內。熄了香。石鼎中。滅了火。有威靈的神鬼也癡呆。放不下。長樓梯。井底蝦蟆。難求千佛教。捉得穩巧線索。棚中傀儡。也有八人。擡如此。敢要尚義氣麼。謊也。花開了。白玉堂。黃金窟。熱鬧裏。結拜個弟弟。兄兄。風吹到鬼門關。奈何橋。急切中。失脫了。爺爺奶奶。權術如何。蠢曹瞞。哄自家。造疑冢。末了兒。藏不過。腐骨幾根。鼓贏政。替後世。築長城。預先的。落下了。臭名千載。怕甚麼。猙獰鬼。還過鬼才。趨鬼。後俏鬼。在陽世上。枉自會。掉舌搖頭。稱爾汝。看這班。很毒人。良善人。伶俐人。古怪人。到陰司裏。卻仍要打恭作揖。喚臺台。守本分的。可

好苦守定幾所田園。生不多。死不少。真個是禪中蟻蟲。緊藏着一包敕印。降便愁。陞便喜。也不過樞下駑駘。聽着他打就行。喝就止。黑洞洞驢兒推磨。看見人喜就笑。怒就哭。明顯顯花子排街。可有報應。猛霹靂捉不去。磕睡蟲任他們打了爺。罵了娘。須索要吃緊的。連夜驅車尋閃電。善閻羅。苦用着穢穢鬼。儘他們欺了君。賣了國。為甚不早些兒。預先把筆判拘牌。青史如何。青史也是夢。訂幾本大帳簿。記載些好本紀。窮世家。混列傳。輪流着邪正君臣填注脚。打一回長算盤。扣除了壞心腸。劣皮毛。醜貨臉。準折出聖賢忠孝細分腮。請問天地這樣辦法。難道不嫌煩瑣麼。咳。天地也是無可奈何。所以造出這些圈套。儘世上的人跳去。設下這千鍾粟。九品官。牢籠定十萬八千。才智愚蒙。一堆兒同掙扎。劈開了九層天。十重地。捉弄的東西。南北榮枯壽夭。都聽着大安排。五瘟神。肩挑上百般病。沿門硬派。九子母。手牽定各樣兒。隨意投胎。打一面喬鼓兒。休要怨老神明。差了果報。使一會天性子。也須知大氣運。關着興衰。小團圓。鳳皇冠。麒麟服。好封蔭。合得上厚祿高官。都只為積祖承恩。相挈帶。大劫數。離亂年。饑荒歲。劣殘生。逃不出天羅地網。那裏是排家造惡。盡應該沒對証的鬼。變人人。變畜。鬧轟轟。轉不了離辟輪迴。喜更張的。

水成田。田成海。急攘攘。算不盡的糊塗世界。天王以何修為。成此解脫。俺的參悟。好不苦也。哭一聲。豁刺刺。驚得個揭諦神落了鋼叉。笑一聲。谷都都。嚇得個彌勒佛躲入布袋。嘆口氣。走進了蟻兒般的戲場中。發個很。跳出了雞蛋大的乾坤外。翻筋斗。撞破了女媧氏補的天。轉喉嚨。吸乾了精衛兒填的海。硬掙着大眼孔。生怕老天瞞。冒鑽入悶葫蘆。浪被時人給。真豪傑。腔子內。都忘了生死窮通。大英雄。夢兒中。冒露出輸贏成敗。這便是俺覺華王。領受了天封拜。俺與你和盤託出。您可也撒底丟開。

有咏命歌云。石崇豪富范丹窮。運早甘羅晚太公。彭祖壽高顏命短。了人都在五行中。不知何人所作。殆亦閱世有得者也。

乾隆時。興化鄭燮。工書畫。書增減真隸。別為一格。如秋花倚石。野鶴憂煙。自然成趣。時稱板橋體。多效之者。然弗能似也。有道情十首。頗足醒世。序云。楓葉蘆花。並客舟。煙波江上。使人愁。勸君更盡一杯酒。昨日少年。今日白頭。自家板橋道人。是也。我先世元和公公。流落人間。教歌度曲。我如今也譜得道情十首。無非喚醒癡聾。銷除煩惱。每到山青水綠之處。聊以自遣。自歌。若遇爭名奪利之場。正好覺人覺世。這也是風。

流事業。措大生涯。不免將來請教諸公。以當一笑。詞曰。老漁翁。一釣竿。靠山崖。傍水灣。扁舟來往無牽絆。沙鷗點點輕波遠。荻港蕭蕭白晝寒。高歌一曲斜陽晚。一霎時波搖金影。驀抬頭。月上東山。二曰。老樵夫。自砍柴。細青松。夾綠槐。茫茫野草秋山外。豐碑是處成荒冢。華表千尋卧碧苔。墳前石馬磨刀壞。倒不如閒錢沽酒。醉醺醺山徑歸來。三曰。老頭陀。古廟中。自燒香。自打鐘。兔葵燕麥閒齋供。山門破落無關鎖。斜日蒼黃有亂松。秋星閃爍頽垣縫。黑寂寂蒲團打坐。夜燒茶爐火通紅。四曰。水田衣。老道人。背葫蘆。戴袈裟。梭鞋布襪相厮稱。修琴賣藥般般會。捉鬼拏妖件件能。白雲紅葉歸山徑。聞說道懸巖結屋。卻教人何處相尋。五曰。老書生。白屋中。說唐虞。道古風。許多後輩高科中。門前僕從雄如虎。陌上旌旗去似龍。一朝勢落成春夢。倒不如蓬門僻巷。教幾個小小蒙童。六曰。儘風流。小乞兒。數蓮花。唱竹枝。千門打鼓沿街市。橋邊日出猶酣睡。山外斜陽已早歸。殘杯冷炙饒滋味。醉倒在迴廊古廟。一憑他雨打風吹。七曰。掩柴扉。怕出頭。剪西風。菊徑秋。看看又是重陽後。幾行衰草迷山郭。一片殘陽下酒樓。棲鴉點上蕭蕭柳。撮幾句盲辭瞎話。卻還供鐵板歌喉。八曰。邈唐虞。遠夏殷。卷宗周。入暴秦。爭雄七國相兼併。文章兩漢空陳迹。金粉南朝總廢塵。李唐

趙宋慌忙盡。最可歎龍盤虎踞。儘銷磨燕子春燈九日。弔龍逢哭比干。羨莊周行老
卧。未央宮裏王孫慘。南來意以徒興謔。七尺珊瑚只自殘。孔明枉作英雄漢。早知道
茅廬高卧。省多少六出祁山。十日撥琵琶續續彈。喚庸愚警懦頑。四條弦上多哀怨。
黃沙白草無人迹。古戍寒雲亂鳥還。虞羅慣打孤飛雁。收拾起漁樵事業。任從他風
雪關山。尾聲云風流家世元和老。舊曲翻新調。扯碎狀元袍。脫卻烏紗帽。俺唱這道
情兒歸山去。

曹之升萬鍾則不辨禮義而受之一節題文。後二比最為警切。似能超遺利祿者。聞
關中人言。曹宰蒲城時。民苦賦重。請汰其甚。許獻十萬金。曹諾之。既揭示刊碑。則以
紅氍薦銀置桌上。桌五百金。二人舁之。白光練屬於道士。民具匾額羊酒。捧香隨之。
者數百人。從而觀者數千萬人。城市喧闐。遠近傳播。曹懼。受羊酒而反銀焉。信乎言
之不能擇行也。文曰。不知人生得意之事。轉瞬成虛。我誠戀萬鍾。萬鍾不必戀我也。
假令居我者時而易我。睡我者時而去我。德我者時而負我。我尚抱此覲然之面。魂
夢縈洄。而風雨一櫂。非復門庭之赫奕也。姬姜憔悴。非復粉黛之閒居也。車笠寒盟。
非復故人之推解也。感昨是今非之况味。而果何謂也哉。且以人生嗜慾之攻。享年

恒促萬鍾不我棄。我有時棄萬鍾也。時而庇我者不能留我。愛我者不能代我。感我者不能佑我。徒遺此未了之緣。九原飲恨而墓門拱木。非復居處之魏我也。臺上哀吹。非復弦歌之朝夜也。山邱痛哭。非復車乘之從游也。感生榮沒已之情形。而又何謂也哉。

汪如洋子謂衛公子荆善居室。一章題文頗明消息之理。舉業家雖襲其調而未嘗深思。今特錄之。土木妖興。工無停築者。觀此亦可以稍止矣。其中二比云。其在艱難下士。手創門楣。則念切弓裘。烏能不作子孫之計。於是計膏肥以自廣。增閭閥以為榮。寧不曰好自為之。毋令後人笑我拙也。乃土木丹青之未竟。而衣裳鐘鼓之旋非。問華屋於生存。遷徙者俄更數姓焉。宛其死矣。他人入室。君子讀山樞之什。而歎積銖累寸者之不足以言居也。其在貴胄豪宗。坐憑先業。則心熏鐘鼎。侈然無復未雨之謀。於是臺榭甲於上都。舞歌習為故事。寧不曰顧而樂之。雖南面王。無與易乎。乃壑谷方耽醉飽之私。而荆棘已見門庭之滿。籍豪貴於天府。充裕者靡所子遺焉。高明之家。鬼瞰其室。君子過伯有之門。而歎驕淫矜誇者之愈不足以言居也。河間紀昀曰。錢遵王讀書敏求記載趙清常歿。子孫鬻其遺書。武康山中。白晝鬼哭。

聚必有散。何所見之不達耶。明壽寧侯故第。在興濟。拆賣略盡。惟廳事僅存。後鬻其木於先祖。拆卸之日。匠者亦聞柱中有泣聲。千古癡魂。殆同一轍。余嘗與董曲江言。大地山河。佛氏尚以為泡影。區區者復何足云。我百年後。儻圖書器玩散落人間。使賞鑒家指點摩挲曰。此紀曉嵐故物。是亦佳話。何所恨哉。曲江曰。君作是言。名心尚在。余則謂消閒遣日。不能不借此自娛。至我已弗存。其他何有。任其飽蟲鼠。委泥沙耳。故我書無印記。硯無銘識。政如好花朗月。勝水名山。偶與我逢。便為我有。迨煙雲過眼。不復問為誰家物矣。何能鐫號題名。為後人作計哉。所見尤脫灑也。

廣陵周相為閩督。學歲餘。卒於官。僚屬生儒赴弔於靈几上。得遺詩三首云。四海相逢盡卧龍。龍江夜夜採芙蓉。我今先跨晴虹去。遲爾崆峒第一峯。又一謫人間四十年。青山萬里隔蒼煙。於今更返華陽洞。千樹桃花待舉鞭。又長嘯一聲歸去來。玉龍高架彩雲迴。獨留明月詩千首。萬里寒光燭上台。

袁隨園題王壽峰問天圖七古。語雖詼諧。足令憤隘者破涕為笑。詞曰。我聞秦宓言。蒼天實有耳。胡為楚大夫。問天天不理。三千年後王郎來。拔劍斫地顛如雷。口存三寸不爛舌。仰首只望天門開。更有青雷子。下筆巧安排。畫作奇峰直上離尺五。儼然

漢武皇帝通天臺手攀星辰呼帝座笑殺赤章道士胡為哉一部十七史欲問問何處且摘疑端三兩行請風吹入雲中去一牛享天天豈飽鼯鼠食之不知慙潮退偏教虜馬來風起猶嫌殺人少試問謚之如何箋歐公如何考夏后善逢迎三嬪獻自天雨暘悉憑應上公霹靂怕逢薛孤延昂然操懿來配享文王后稷退避不敢前又何必重黎為隔絕黔羸為周旋臣請手斬九關豹身推阿香車白榆燒作玉樓墨銀河洗盡筆底花三十六皇各獻狀羣疑滿腹願倩麻姑爬倘有調語問外錯請將臣身賜喂金蝦蟇帝臺浮觴百神方醉忽聞讜語匆匆如畏萍號噴雨立六釜含星對道是問天天不答只恐萬年之後倚杵低蹇人上天都來爭此位天帝面方一尺有慚色乃召孔子謀孔子口稱不怨天恰呼喪予兩淚流且釣鯉魚逃亶州更召周公來命代天致詞衆人又言周公天妹所生天有私故把風雷驚破孺子疑不然翦爪沈河事已矣自今空自聽鴉鵂周公聞之只得齟齬陰喝如蒙俱正在支吾間忽有褒衣博冠者自稱唐臣柳宗元代天作對大書空道天者乃是太虛之積氣難捫難蹠青濛濛雨師風伯傀儡耳木強柴立隨癡龍奉行第一次混沌開闢所有之故事有如優人演劇不能小變通一切聖狂禍福風災鬼難各色目均是聚六州鐵鑄赤